



Broj: 04-40-1-190/26
Sarajevo, 10.07.2026. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ **za period od 08:30 sati 09.07.2026. do 08:30 sati 10.07.2026. godine**

U izvještajnom periodu Kantonalni operativni centar civilne zaštite primio je jednu informaciju o pronalasku NUS-a, dana 09.07.2026. godine u 18:15 sati od Policijske stanice Vogošća, da je na lokalitetu brdo Žuč kota 850 pronađen jedan NUS.

O primljenoj informaciji obaviješteni su pripadnici Tima za UES Federalne uprave civilne zaštite, koji će pronađeno ubojno sredstvo preuzeti u narednom periodu.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 9 manjih intervencija i to: 3 intervencije na gašenju zapaljenog niskog rastinja, 4 intervencije na gašenju zapaljenog smeća, 1 tehnička intervencija (otvaranje zaglavljanih vrata) i 1 obezbjeđenje sportskog događaja.

Općinski operativni centar civilne zaštite Stari Grad: U skladu sa naredbama Štaba civilne zaštite Kantona Sarajevo, Općinski štab civilne zaštite Stari Grad organizovao je 24-satno osmatranje (monitoring) terena na ugroženim područjima od klizišta, lokalitetima Curine njive, Knjeginjac i Bistrički potok (teritorija Općine Stari Grad Sarajevo i Opštine Istočni Stari Grad), te kontinuiranu analizu i procjenu stanja na ugroženom području u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije stanovništva, ukoliko to situacija bude zahtijevala) i materijalnih dobara. Uposlenici Službe civilne zaštite Općine Stari Grad Sarajevo, na osnovu zadataka zaštite i spašavanja, dana 09.07.2026. godine, izvršili su obilazak i osmatranje terena na lokalitetima Curine njive, Knjeginjac i Bistrički potok.

Vizualnim pregledom terena na lokalitetu Curine njive ustanovljeno je da nema značajnijih odstupanja u odnosu na prethodni period. Uslijed poboljšanja vremenskih uslova tlo je znatno isušeno, te je evidentno smanjeno prisustvo vlage na lokalitetu. Radovi na sanaciji klizišta se kontinuirano nastavljaju, a trenutno se vrši odvoz prethodno nasutog zemljanog materijala s ciljem rasterećenja klizišta. Na površini terena nisu uočene novonastale pukotine niti druge promjene koje bi ukazivale na destabilizaciju tla. Na dijelu lokaliteta gdje završava nekada izvedena drenaža i dalje je prisutna plavna površina. U donjem dijelu

klizišta, i dalje je evidentna blaga erozija tla, kao i nakupljanje zemljanog materijala iznad prvih stambenih objekata.

Na lokalitetu deponije Knjeginjac stanje je bez značajnijih promjena u odnosu na prethodni izvještaj. Prilikom obilaska lokaliteta deponije, vizuelnim pregledom ustanovljeno je da nema značajnijih promjena u odnosu na prethodni period. Usljed poboljšanja vremenskih uslova tlo je znatno manje zasićeno vlagom. U gornjem dijelu deponije i dalje je prisutno blago slijeganje i erozija tla, bez uočenih novih promjena. U donjem dijelu lokaliteta i dalje su vidljive blatnjave površine zasićene vodom, dok prilikom obilaska nisu evidentirane druge pojave od značaja.

U odnosu na prethodno stanje na lokalitetu Bistričkog potoka je bez značajnijih promjena. Vizuelnim pregledom ustanovljeno je da se protok vode odvija nesmetano, s tim da trenutno nije evidentan dotok vode iz pravca Trebevića osim iz kaptaže pored mosta koja se ulijeva u korito potoka. U gornjem dijelu potoka, iznad mosta na području Općine Istočni Stari Grad, i dalje je prisutno obrušeno kamenje i veći broj oborenih stabala.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 17°C, vlažnost zraka 65%, barometarski pritisak 946 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

- Zbog održavanja manifestacije "Ilijaško ljeto 2026" do 21.07. u vremenu od 10 sati do ponoći obustavlja se saobraćaj u ulici 126. Ilijaške brigade.

- Zbog održavanja manifestacije "Hadžićko ljeto 2026" obustavljen je saobraćaj u ulici Hadželi.

Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH, gradski, međugradski i željeznički saobraćaj se odvija po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a